



• Foto AWANG KUSHAIRY JUNAIDI

KUNJUNGAN... Ketua Menteri Pehin Sri Haji Abdul Taib Mahmud ketika menerima kunjungan daripada Ketua Audit Negara Tan Sri Dato' Setia Haji Ambrin Buang (duduk kedua dari kiri) bersama Timbalan Ketua Audit Negara Haji Anwari Suri, di pejabatnya di bangunan Dewan Undangan Negeri (DUN) Petra Jaya, di Kuching, semalam. Turut kelihatan Pengarah Audit Sarawak Ong Swee Leng (membelakangi kamera). **BERITA DI MUKA 1**

Kedudukan kewangan Sarawak baik dan kukuh

KUCHING, Isnin — Hasil laporan daripada auditans tahun 2005 menunjukkan bahawa kedudukan kewangan Sarawak baik dan kukuh.

Ketua Audit Negara Tan Sri Dato Setia Haji Ambrin Buang berkata, prestasi yang membangangkan itu berikutan

keprihatinan Kerajaan Negeri Sarawak dalam memperkasakan jentera pelaksanaannya dan seterusnya membolehkan negeri ini bertambah maju.

Beliau berkata demikian kepada pemberita selepas mengadakan kunjungan hormat terhadap Ketua Menteri Pehin

Sri Haji Abdul Taib Mahmud di Dewan Undangan Negeri di sini hari ini.

Kunjungan hormat beliau itu bertujuan melaporkan hasil auditans Sarawak pada tahun lepas selain sempena pelantikannya sebagai Ketua Audit Negara yang baru.

“Kesempatan kunjungan saya ini juga, saya dan Pehin Sri banyak berbincang tentang kezaman Kerajaan Negeri mempertingkatkan lagi jentera pelaksanaannya di bawah Rancangan Malaysia Kesembilan (RM Ke-9).

■ SILA LIHAT MUKA 2

Kedudukan kewangan Sarawak baik, kukuh

DARI MUKA 1

“Di bawah RM Ke-9, banyak lagi peruntukan yang akan dibelanjakan dan banyak lagi projek yang akan dilaksanakan di Sarawak,” katanya.

Kerajaan Negeri Sarawak katanya, amat bertuah kerana dalam RM Ke-9 misalnya, Kerajaan Pusat telah memperuntukkan RM15 bilion untuk pelaksanaan pelbagai projek untuk sepanjang tempoh berkenaan.

“RM15 bilion ini tidak termasuk peruntukan daripada Kerajaan Negeri dan ini

bermakna banyak lagi peruntukan untuk negeri Sarawak.

“Saya dengan penuh rasa keyakinan dan percaya segala objektif dan perancangan Sarawak dalam RM Ke-9 akan berjaya dengan adanya jentera pelaksana dan saya yakin Sarawak boleh mempertingkatkan lagi kejayaan dalam melaksanakan projek-projeknya,” katanya.

“Justeru, harapan saya agar Kerajaan Negeri Sarawak sentiasa bekerjasama dengan jabatan-jabatan persekutuan bagi mempertingkatkan lagi kedudukan kewangan mereka,” katanya.